

## Failiman

*Sok gei tabamin kinim taw ami maek Got mit tem tasa sung uta ko.*

<sup>1</sup> Naka Faul Yesus Kadais luk dudu sok gei tabe teinbi naso nulum kinim duw Timoti so nuta sauk kon bela nulum aket tok Failiman nulum wok makuw fakudin kinim kabal keidaw,

<sup>2</sup> nulum wanang Awfiya keidu nulum kinim wok makuw fakudin kinim Adkibus keida kalam am Got wanang kinim gu keidiw kimino, kale goduyamuw ko.

<sup>3</sup> Kale nulum Natim Got so Kamok Yesus so imi min gelemin so dakbuyámin so uyo kiwso buduno kala.

<sup>4</sup> Kale naka sun kuw Got gánlawi, naka kam aket uyo fukan bom Got ken keiyo, akanábi ko.

<sup>5</sup> Watawo kaleyo bá, naka kami Got wanang kinim abem imi aket kukáyamin dukum so Kamok Yesus ami dim afan kalin so umi sung uta kidi nadino kayo ko.

<sup>6</sup> Naka Got amaneng dukádawino nulum afan kalin taku madenbuw uta kanokamuno, nulum Yesus ami dim ukek ukek adikum kudabuw uyo kal keidal kala.

<sup>7</sup> Nalam kinim Failiman kaba, kam aket dukum Got wanang kinim kuyamaw uta ta bom kalfalin kukayabu, buta kidi nadino nam aket kalfalin dukum uyo tam el teinama bu ade uta ta bom ilil dudána bu.

*Aunesimas ayo atin kalam duw taw keidawo kalin sung uta ko.*

<sup>8</sup> Naka Aunesimas ami sung bakokamon kala. Kaleyono weng mit belata naka bon tem fatom banim, Yesus ami kinim kale weng kalám gu bakokamino au, beta ken kanodonginone kalal kala.

<sup>9</sup> Kata naka misun aket kukákamin dim weng bakodon kala. Aei naka Faul kawadik nalata. Naka kamano Yesus win tubudewámin kalan sok gei namudiw teinbi nalata ka.

<sup>10</sup> Naka weng kufo nalam man Aunesimas Got kinim keise sung bakokamon kala. Naka sok gei tein bidine, aka Yesus so makuw keiyámin dim aka atin nalam man keiyámsa ko.

<sup>11</sup> Kamakikiw kabalaso alanámsa, be kaba sák mafako akanámsaw, kata kamano aka kinim kukum kei nadale kawso nalaso dakáyama ko.

<sup>12</sup> Kale kamane naka Aunesimas atin nalam aket tok ayo asiki dabadákami tada.

<sup>13</sup> Kale naka be dabadákami tadongino masi bá, naka dew fakudi naso sung kidel kalan sok gei tabe teinbi kadákal alew tein bom nadano kam abin kudu bom dakánam bada alew teinbuduw ki kalongino,

<sup>14</sup> kata naka sák kam weng dákadálóngin banim, kale bo kalam san aka dabadáli naso teinak kalo-law be ken ko.

<sup>15</sup> Kale aka katam sun dá kamadá takas maek kaek abe ale auba, kata aka alo asiki yak katamok-aba kawák kawso ulum kano sun kuw bokaba.

<sup>16</sup> Kata aka kalam sok gei tabamin kinim taw bude, kata kamano aka sok gei tabamin kinim taw keiyámin bo kudá, aka kinim kukum kei nada Yesus Kadais dim nulum duw keiba. Kale aka atin nalam aket tok, kale kawta atin tam so aket kudawokabaw ko.

<sup>17</sup> Kaleyo kaba aket fukan ddaw naka kalam duw nakaw namti, nam kinim dabadli tadok-aba ayo nalam tadi nam tam am abin dikim waknabaw ulutaw keidawal kala.

<sup>18</sup> Kaba atamaw, aka kam ban mak keikamsano, kisol mak biled kudkamsa namti, kaba nata bakonamawo am idum bo dkadlon kala.

<sup>19</sup> Naka Faul nalata nalam teng tuw sauk kon bela godkabi, kale bakokamon kala. Naka Aunesimas aka kisol mak yn keikamsa namti, bo nata yn kidokabi. Kale kaba nata sun biymin leiw uyo kukukami kal keibaw, kale naka bumi sung uyo mak bakokamongin banim, kata umi yn uyo kunamal kala.

<sup>20</sup> Kaleyo nalam kinim duw kabayo, kaba ken Yesus win dim nam aket dukum kumambi uyo kanonamon, kalokabaw namti, naka atin kalfalokabi ko.

<sup>21</sup> Kale naka sauk kon godkabi bo nalam kal, kaba nam aket kumam kanonamo, kakbi bo kawta atin fak tam d kanonamokabaw ko.

<sup>22</sup> Kale naka alo weng mak bakokamon, kaba aklamin am abin mak kudnamaw suduno kala. Watawo kaleyo b, nam aket dukum fukanin uyo ki Got kim amaneng dukdawin kidi nada yn kidon kalokaba uyo sok tal namadla asiki tadokabi kala.

<sup>23</sup> Ebafadas nalam kinim duw akal kano Yesus win tubadew kwin beta sok gei dew tad ddiw alew teinbuduw ayo weng umukam ken kuw badawano, kaka ko.

<sup>24</sup> Mk keida, Adistakas keida, Dimas keida, Luk keida ika nalaso wok makuw fakudin, kale ika weng daukam ken kuw sadawano kakiw.

**25** Kale Kamok Yesus Kadais ami min gelemin  
uyo kawso buduno kala.

**GOT WENG ABEM Alokso Abino Kalin  
The New Testament in the Faiwol Language of Papua  
New Guinea  
Nupela Testamen long tokples Faiwol long Niugini**

Copyright © 1995 Bible Society of Papua New Guinea

Language: Faiwol

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 18 Mar 2025 from source files dated 31 Aug 2023

9c0b67c7-fda6-5e15-b739-071aebc83409